

UNIVERZITET U TUZLI

Na osnovu Odluke Senata Univerziteta u Tuzli broj: 03-3167-2/17 od 10.05.2017. godine objavljuje:

K O N K U R S za izbor i imenovanje Rektora Univerziteta u Tuzli

I

Za Rektora Univerziteta u Tuzli može biti izabran kandidat koji ispunjava slijedeće **opće uslove**:

- a) da je državljanin BiH,
- b) da je zdravstveno sposoban za obavljanje poslova Rektora,
- c) da pravosnažnom odlukom suda nije osuđen za krivično djelo ili privredni prijestup, što predstavlja smetnju za imenovanje na dužnost Rektora,
- d) da mu pravosnažnom odlukom suda nije izrečena mjera zabrane obavljanja poslova/dužnosti Rektora,
- e) da se na njega ne odnosi član IX.1., Ustava BiH.

Pored općih uslova, kandidat treba da ispunjava i slijedeće **posebne uslove**:

- a) da je izabran u naučno-nastavno/umjetničko-nastavno zvanje redovnog profesora na Univerzitetu u Tuzli,
- b) da je u stalnom radnom odnosu na Univerzitetu u Tuzli,
- c) da aktivno govori najmanje jedan svjetski jezik,
- d) da nema funkciju u izvršnim organima političke partije ili organizacije koja je povezana sa političkom partijom i
- e) da nema privatni finansijski interes na Univerzitetu u Tuzli.

Rektor se bira na mandatni period od 4 (četiri) godine i može biti ponovo izabran još jedan mandatni period. Kandidat koji u toku mandata stiče uslove za penziju ne može biti izabran za Rektora.

II

Uz **potpisanu prijavu** na Konkurs kandidat je dužan priložiti:

1. biografiju,
2. uvjerenje o državljanstvu BiH izdato nakon 17.06.2013. godine, u originalu ili ovjerenoj fotokopiji,
3. izjavu da pravosnažnom odlukom suda nije osuđen za krivično djelo ili privredni prijestup, što predstavlja smetnju za imenovanje na dužnost Rektora, ovjerenu kod nadležnog općinskog organa ili notara, u skladu sa tačkom c) općih uslova,
4. izjavu da mu pravosnažnom odlukom suda nije izrečena mjera zabrane obavljanja poslova/dužnosti Rektora, ovjerenu kod nadležnog općinskog organa ili notara, u skladu sa tačkom d) općih uslova,
5. izjavu da se na njega ne odnosi član IX.1., Ustava BiH, ovjerenu kod nadležnog općinskog organa ili notara, u skladu sa tačkom e) općih uslova,
6. izjavu da je izabran u naučno-nastavno/umjetničko-nastavno zvanje redovnog profesora na Univerzitetu u Tuzli, ovjerenu kod nadležnog općinskog organa ili notara, u skladu sa tačkom a) posebnih uslova,
7. izjavu da je u stalnom radnom odnosu na Univerzitetu u Tuzli te da u toku trajanja mandata Rektora ne ispunjava uslove za penziju, ovjerenu kod nadležnog općinskog organa ili notara, u skladu sa tačkom b) posebnih uslova i tačkom I stav (4) Konkursa,
8. dokaz da aktivno govori najmanje jedan svjetski jezik, u originalu ili ovjerenoj fotokopiji, u skladu sa tačkom c) posebnih uslova (certifikat verifikovane škole stranih jezika/uvjerenje o položenom stranom jeziku na visokoškolskoj ustanovi),
9. izjavu da nema funkciju u izvršnim organima političke partije ili organizacije povezane sa političkom partijom, ovjerenu kod nadležnog općinskog organa ili notara, u skladu sa tačkom d) posebnih uslova,
10. izjavu da nema privatni finansijski interes na Univerzitetu u Tuzli, ovjerenu kod nadležnog općinskog organa ili notara, u skladu sa tačkom e) posebnih uslova.

Dokaz o ispunjavanju uslova iz tačke b) općih uslova (ljekarsko uvjerenje o zdravstvenoj sposobnosti za obavljanje funkcije Rektora) ne starije od 6 (šest) mjeseci, dužan je naknadno dostaviti samo kandidat koji bude izabran na navedenu funkciju, a prije zaključivanja aneksa ugovora o radu.

III

Kandidat za Rektora Univerziteta u Tuzli dužan je uz prijavu na Konkurs dostaviti i **Program rada i razvoja Univerziteta za mandatni period**, u pisanoj i elektronskoj verziji (CD).

IV

Prijave, sa potrebnim dokazima, dostavljaju se u roku od 15 (petnaest) dana od dana objavljivanja Konkursa u dnevnom listu „Oslobođenje“ i na Web stranici Univerziteta.

V

Nepotpune i neblagovremene prijave neće se uzeti u razmatranje.

VI

Informacije o djelokrugu rada Rektora Univerziteta u Tuzli dostupne su na Web stranici Univerziteta u Tuzli www.untz.ba (akti/dokumenti-Statut).

VII

Prijava na Konkurs s potrebnim dokazima, dostavlja se u zatvorenoj koverti na pisarnicu Univerziteta u Tuzli ili putem pošte, na adresu:

UNIVERZITET U TUZLI

- Konkursna komisija -

uz naznaku:

“Prijava na Konkurs za izbor i imenovanje Rektora Univerziteta u Tuzli”

Ul. Dr. Tihomila Markovića broj 1

75000 TUZLA